



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kunst-Kaemmerlein christlicher Weißheit

Martinus <a Matre Dei>

Gedruckt zu Cölln, MDCXLII

§. 12. Abschewen vnd Haß wider die sünd.

[urn:nbn:de:hbz:466:1-46701](https://nbn-resolving.org/urn:nbn:de:hbz:466:1-46701)

keit / will vnd begehrt ich nichts anders /
nichts mehr / nichts weniger an Leib vnd
Seel zu haben / zu leiden / zu thun / zu lassen /
als was dir am gefälligsten ist.

Sihe H^{Er} / ich bin in deiner Hand / wie
du weisst vnd wilt / also thue mit mir.

S. 12. Abschewen vnd Haß wider
die Sünd.

Ich hasse vnd verfluche die Sünd / weil
sie Gott dem höchsten Gut zu wider ist.

Ich hasse.

Ich hasse alle Gelegenheiten G^{ott} zu
erzürnen.

Ich hasse.

Ich hasse vnd verfluche die böse Nach-
redungen / Lügen vnd andere Laster der
Zungen.

Ich hasse.

Ich verfluche / vnd vermaledeye den
Haß / Neid / Zorn / Rachgierigkeit / vnd al-
les was wider die brüderliche Lieb ist.

Ich verfluche.

Ich verfluche den Fraß / die Geilheit /
vnd alle stinckende Laster des Fleisches.

Ich verfluche.

D 4

Ich

Ich bereue vnd hasse meine höchste
Vndancfbarkeit/nach so vnzahlbaren em-
pfangenen Wohlthaten von Gott.

Ich bereue.

Meine grosse Gottlosigkeit / dardurch
ich so oft die Göttliche Majestät beleidig-
et hab / ist mir ein Grewel.

Ich hasse.

Ich hasse alle Trägheit vnd Versaum-
nuff im Gottesdienst / vnd Liebe.

Ich hasse.

Ich hasse vnd verfluche meine grosse
Nachlässigkeit / daß ich die Zeit / welche mir
Gott zu lieben / vnd zu dienen / geben wor-
den / so vnfruchtbarlich vnd verderblich
hab lassen hinschleichen.

Ich hasse.

Ich verdamne alle Vnehr vnd schmacht/
welche dem Hochwürdigen H. Sacra-
ment des Altars widerfahren ist.

Ich verdamme.

Ich hasse / verfluche / vnd verdamme / al-
les was Gott will / daß ich hassen / verflu-
chen vnd verdammen soll.

Ich verdamme.